



2020 йил “28” декабрь

№ 127/08-17

Жарқўрғон т.

**Сурхондарё вилояти Жарқўрғон туманининг 2021 йилги маҳаллий
бюджетини тасдиқлаш тўғрисида**

Ўзбекистон Республикасининг “2021 йил учун Ўзбекистон Республикасининг Давлат бюджети тўғрисида”ги Қонуннинг 12-13-моддаларига асосан 2021 йил учун Жарқўрғон туман маҳаллий бюджетини қабул қилиш бўйича Халқ депутатлари Жарқўрғон туман Кенгаши **қарор қилади:**

1. Халқ депутатлари Сурхондарё вилояти Кенгашининг 2020 йил 28 декабрдаги “Сурхондарё вилояти 2021 йилги маҳаллий бюджетини тасдиқлаш тўғрисида”ги қарорига асосан Жарқўрғон туман (кейинги ўринларда туман бюджети деб номланади) бюджетига вилоят бюджетидан ажратилган тартибга солувчи бюджетлараро трансферт 69 млрд. 178 млн. 109 минг сўм миқдорда тасдиқланганлиги маълумот учун қабул қилинсин.

2. Қонун ҳамда вилоят кенгашининг қарорига асосан 2021 йилда:

а) қуйидаги солиқ турлари шахар ва туманлар бюджетига тўлиқлигича ўтказиб берилиши қайд этилсин:

- жисмоний шахслардан олинadиган мол-мулк солиғи;
- жисмоний шахслардан олинadиган ер солиғи;
- жисмоний шахсларнинг мулкларни ижарага беришидан олинadиган йиллик даромадлари бўйича декларацияга асосан, шунингдек, яқка тартибдаги тадбиркорлар томонидан тўланадиган даромад солиғи;

- электр станцияларидан бошқа тўловчилар томонидан тўланадиган сув ресурсларидан фойдаланганлик учун солиқ;

- айланмадан олинadиган солиқ;

- мобил алоқа хизматлари ва алкоголь маҳсулоти, шу жумладан пиво учун акциз солиғи бўйича тушумлар тегишинча 2020 йилнинг 1 июль ҳолатига кўра вилоят аҳолиси сонининг республика аҳолиси сонидagi улушига мувофиқ.

б) Қуйидаги солиқ турлари ва бошқа мажбурий тўловлар вилоят бюджетини ҳамда туман маҳаллий бюджетини ўртасида тақсимланади:

- юридик шахслардан олинadиган мол-мулк солиғи;

- юридик шахслардан олингадиган ер солиғи;
- бензин, дизель ёқилғисини ва газнинг чакана сотуви учун акциз солиғи;
- айрим турдаги товарларни чакана сотиш ҳуқуқини бериш учун йиғимлар;
- қонун ҳужжатларида белгиланган миқдорларда Ўзбекистон Республикасининг Давлат бюджетига ундириладиган бошқа йиғимлар (божхона йиғимларидан ташқари);
- автотранспорт воситаларини сотиб олганлик ва (ёки) Ўзбекистон Республикаси ҳудудига вақтинчалик олиб кирганлик учун йиғимлар;

3. Қонунга асосан вилоят маҳаллий бюджетларининг харажатлар тизимида қуйидаги ўзгартиришлар киритилди ҳамда молиялаштириш тартиби қуйидагича белгиланди:

а) туман ва шаҳарлардан молиялаштирилувчи умумтаълим мактаблари ҳамда мактабгача таълим муассасаларининг биринчи ва иккинчи гуруҳ харажатлари республика бюджетидан, тўртинчи гуруҳ харажатлари тегишинча туманлар ва шаҳарлар бюджетларидан молиялаштирилади.

4. 2021 йил учун туман бюджети даромадлар прогноз кўрсаткичлари 1-иловага ҳамда туман бюджетидан 2021 йилги ҳудудий бюджет маблағларини тақсимловчиларга ажратиладиган харажатларнинг умумий чекланган миқдорлари 2-иловага мувофиқ тасдиқлансин.

5. Умумдавлат солиқларидан туман бюджетига ажратмалар меёри 3-иловага, 2021 йил учун туман бюджети даромадлар ва харажатлар прогноз кўрсаткичлари 4-иловага ҳамда юқори бюджетдан ажратиладиган тартибга солувчи бюджетлараро трансферт миқдори 5-иловага, шунингдек туман бюджетига йўл қўйиладиган энг кам маблағлар миқдори 6-иловага мувофиқ маълумот учун қабул қилинсин.

6. Туманда юридик ва жисмоний шахслар бўйича қишлоқ хўжалиги учун мўлжалланмаган ерлар учун базавий солиқ ставкасига киритиладиган ўзгариш коэффициентлари 7-иловага мувофиқ тасдиқлансин.

7. 2021 йил учун туман бюджети захира жамғармаси ҳажмлари 1 млрд 345 млн 2 минг сўм миқдорида белгилансин.

Туман ҳокимлиги захира жамғармаси маблағларини туман бюджетига кўзда тутилмаган, кечиктириб бўлмайдиган харажатларни, шунингдек, ижтимоий-иқтисодий беқарорлик юзага келган вазиятларда амалга оширилиши зарур бўлган тадбирларни молиялаштириш учун ажратилиши таъминлансин.

8. Туман молия бўлими (А.Абдусаломов) туман ҳокимлиги билан биргаликда:

ҳудудий бюджет маблағлари тақсимловчилари томонидан тегишли бюджетларни биринчи навбатда иш ҳақи ва унга тенглаштириладиган тўловлар, озиқ-овқат ва дори-дармон ва коммунал хизматларининг режалаштирилишини назарда тутган ҳолда шакллантирилишини назоратга олсин;

ҳар чорак якуни билан кейинги чорак биринчи ойининг 25-санасига қадар расмий веб-сайтларга ўз тасарруфидаги бюджет ташкилотлари кесимида молиявий ҳисоботларни ҳамда бошқа тегишли маълумотларни жойлаштирасин;

маҳаллий бюджетнинг қўшимча даромадларини 10 фоиздан кам бўлмаган миқдорларда жамоатчилик фикри асосида белгиланган тадбирларни молиялаштиришга йўналтиришни таъминласин, веб-сайтларига уларнинг натижаларини жойлаштирасин.

9. Туман ҳокимлиги чораклар якуни бўйича мазкур қарорнинг 1-иловасида келтирилган даромадларнинг прогноз кўрсаткичлари ҳокимликнинг фаолиятига боғлиқ бўлмаган ҳолда 5 фоиздан ортиқ миқдорга бажарилмаса ва молия йили охиригача ушбу маблағларнинг тушиш эҳтимоли бўлмаса, Вилоят ҳокимиятига харажатларни мақбуллаштириш юзасидан таклифлар билан бирга киритилган мурожаатига асосан тартибга солувчи бюджетлараро трансфертлар миқдорини ошириш ёки харажатларни мақбуллаштириш таклифларини киритади.

10. Туман ҳокимлиги (А.Раҳматов)

- Қонуннинг 14-моддасига асосан тегишли равишда ҳудудий бюджет маблағларини тақсимловчиларнинг бюджет маблағларидан самарали фойдаланиши ҳамда эришилган натижалар бўйича ҳисоботлар;

- шунингдек, бюджет даромадлари ва харажатларининг кўрсаткичларини бажарилишини таъминлаш, солиқ базасини кенгайтириш ҳамда иқтисодий салоҳиятини ошириш юзасидан кўрилган зарур чоратадбирлар ҳақидаги маълумотларни, бюджет маблағларидан мақсадли ва самарали фойдаланиши устидан қатъий назоратни ўрнатиш мақсадида туман Кенгашига доимий равишда маълумот киритиб борсин.

11. Туман солиқ инспекцияси (Б.Қосимов) туман ҳокимлиги билан биргаликда Қонунда белгиланган айрим солиқлар ва тўлов ставкалари, солиқ солиш тартиблари ҳамда бошқа маълумотларни оммавий ахборот воситаларида ёритилишини таъминласин.

12. Халқ депутатлари Жарқўрғон туман Кенгаши депутатларининг бошқарув органлари ходимлари меҳнатига ҳақ тўлашни тартибга солиш тўғрисидаги таклифи маъқуллансин ҳамда туман маҳаллий бюджетининг 2021 йил давомида шаклланадиган қўшимча маблағлари ҳисобидан:

туман ҳокимлиги барча ходимларининг иш ҳақига ҳар ойда бир ойлик иш ҳақи миқдорида;

туман маҳалла раиси ва ходимларига бир йилда бир марталик моддий рағбатлантириш;

туман молия бўлими, ғазначилик бўлими ва Давлат солиқ инспекцияси ходимларига ҳар чорақда бир ойлик иш ҳақи миқдорида қўшимча ҳақ тўланиши белгилансин.

13. Ушбу қарор рамиёй эълон қилинган кундан кучга киради.

14. Мазкур қарор бажарилишини назорат қилиш халқ депутатлари туман Кенгашининг Маҳаллий бюджетни шакллантириш ва ижро этиш, иқтисодий ислохотларни амалга ошириш ва тадбиркорликни ривожлантириш масалалари доимий комиссияси ва туман ҳокимлиги зиммасига юклатилсин.

Сессия раиси



Д.Хашимова